

Na osnovu člana 16. stav (4) Zakona o Vladi Zeničko-dobojskog kantona-Prečišćeni tekst (“Službene novine Zeničko-dobojskog kantona”, broj: 7/10 i 3/23), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona na 37. sjednici, održanoj dana 26.07.2024. godine, d o n o s i :

Z A K L J U Č A K

I.

Prihvata se Mišljenje Ministarstva za obrazovanje, nauku, kulturu i sport u Vladi Zeničko-dobojskog kantona, broj: 10-02-12949-1/24 od 24.07.2024. godine, u pogledu autentičnog tumačenja člana 54. tačka b) i člana 56. stav (2) tačka d) Zakona o visokom obrazovanju („Službene novine Zeničko-dobojskog kantona”, broj: 12/22).

II.

Utvrđuje se prijedlog Autentičnog tumačenja odredbe člana 54. tačka b) i člana 56. stav (2) tačka d) Zakona o visokom obrazovanju („Službene novine Zeničko-dobojskog kantona”, broj: 12/22).

III.

Prijedlog Autentičnog tumačenja odredbe člana 54. tačka b) i člana 56. stav (2) tačka d) Zakona o visokom obrazovanju („Službene novine Zeničko-dobojskog kantona”, broj: 12/22) upućuje se u dalju skupštinsku proceduru.

IV.

Zaključak stupa na snagu danom donošenja.

Broj: 02-_____/24.

Datum, 26.07.2024. godine

Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,

1x JU Univerzitet u Zenici (putem Ministarstva),

1x Stručna služba Skupštine,

1x 1x a/a.



Broj: 10-02-12949-1/24
Zenica, 24.07.2024. godine

STRUČNA SLUŽBA VLADE

Na osnovu Prijedloga Ćazima Huskića, zastupnika u Skupštini Zeničko-dobojskog kantona za davanje autentičnog tumačenja člana 54. tačka b) i člana 56. stav (2) tačka d) Zakona o visokom obrazovanju („Službene novine Zeničko-dobojskog kantona”, broj: 12/22), a u vezi sa članom 156. stav 2 i članom 157. stav 1 - Poslovnika Skupštine Zeničko-dobojskog kantona – Četvrti prečišćeni tekst („Službene novine Zeničko-dobojskog kantona“, broj: 5/24), dostavljamo Vam sljedeće:

MIŠLJENJE

Ćazim Huskić zastupnik u Skupštini Zeničko-dobojskog kantona uputio je Prijedlog za davanje autentičnog tumačenja člana 54. tačka b) i člana 56. stav (2) tačka d) Zakona o visokom obrazovanju („Službene novine Zeničko-dobojskog kantona”, broj: 12/22).

U predmetnom prijedlogu je navedeno da je **članom 54. tačka b) Zakona o visokom obrazovanju („Službene novine Zeničko-dobojskog kantona”, broj: 12/22) propisano je sljedeće:**

“Upravni odbor obavlja poslove utvrđene zakonom, aktom o osnivanju i statutom visokoškolske ustanove, a naročito:

b) donosi akt kojim se utvrđuje način obračuna plaća i drugih primanja u javnoj visokoškolskoj ustanovi uz prethodnu saglasnost Vlade Kantona, te donosi opći akt o unutrašnjoj organizaciji i sistematizaciji radnih mjesta, kao i druge opće akte u skladu sa zakonom i statutom visokoškolske ustanove;

Odredbom člana 56. stav (2) tačka d) Zakona o visokom obrazovanju („Službene novine Zeničko-dobojskog kantona”, broj: 12/22) propisano je sljedeće:

“Senat visokoškolske ustanove:

d) donosi opće akte u skladu sa ovim zakonom i statutom visokoškolske ustanove;”

Dalje se u obrazloženju predmetnog prijedloga navodi da je odredbom člana 118. stav (1) Zakona o radu („Službene novine Federacije BiH”, broj: 26/16, 89/18, 44/22 i 39/24) propisana obaveza poslodavca koji zapošljava više od 30 radnika da donese i objavi pravilnik o radu, kojim se uređuju plaće, organizacija rada, sistematizacija radnih mjesta, posebni uvjeti za zasnivanje radnog odnosa i druga pitanja značajna za radnika i poslodavca, u skladu sa zakonom i kolektivnim ugovorom. Dakle, prema naprijed navedenoj odredbi Zakona o radu, kao i prema članu 94. Kolektivnog ugovora za djelatnost visokog obrazovanja za teritorij Zeničko-dobojskog kantona („Službene novine Zeničko-dobojskog kantona”, broj: 2/24), JU Univerzitet u Zenici je obavezan donijeti i objaviti svoj pravilnik o radu. Imajući u vidu da se niti u članu 54. tačka b), niti u članu 56. stav (2) tačka d) Zakona o visokom obrazovanju („Službene novine Zeničko-dobojskog kantona”, broj: 12/22), uopšte ne spominje termin pravilnik o radu i da zbog toga nije jasno u čijoj nadležnosti donošenje pravilnika o radu JU Univerziteta u Zenici, odnosno nije jasno da li je to u nadležnosti Upravnog odbora Univerziteta u Zenici ili je u nadležnosti Senata Univerziteta u Zenici, podnosi se ovaj prijedlog za davanje autentičnog tumačenja navedenih zakonskih odredbi, a s ciljem jasnog definisanja koji je od

navedenih organa JU Univerzitet u Zenici nadležan za donošenje pomenutog pravilnika o radu.

Iz naprijed citirane odredbe člana 54. tačka b) proizilazi da je Zakonom o visokom obrazovanju dato u nadležnost Upravnog odbora da donosi akt kojim se utvrđuje način obračuna plaća i drugih primanja u javnoj visokoškolskoj ustanovi uz prethodnu saglasnost Vlade Kantona, te da donosi opći akt o unutrašnjoj organizaciji i sistematizaciji radnih mjesta, kao i druge opće akte u skladu sa zakonom i statutom visokoškolske ustanove. Kada se navedeni akti, koji su dati u nadležnost Upravnog odbora, kompariraju sa odredbom člana 118. stav (1) Zakona o radu („Službene novine Federacije BiH“, broj: 26/16, 89/18, 49/21 – dr. Zakon, 103/21 – dr. Zakon, 44/22 i 39/24), kojom je propisano da “Poslodavac koji zapošljava više od 30 radnika donosi i objavljuje pravilnik o radu, kojim se uređuju plaće, organizacija rada, sistematizacija radnih mjesta, posebni uvjeti za zasnivanje radnog odnosa i druga pitanja značajna za radnika i poslodavca, u skladu sa zakonom i kolektivnim ugovorom.”, proizilazi nadležnost Upravnog odbora za donošenje pravilnika o radu.

Također imajući u vidu naprijed navedeno, kao i utvrđene nadležnosti senata visokoškolske ustanove, iz odredbe člana 56. stav (2) tačka d) Zakona o visokom obrazovanju („Službene novine Zeničko-dobojskog kantona”, broj: 12/22), proizilazi da donošenje pravilnika o radu kao općeg akta nije u nadležnosti senata.

DOSTAVLJENO:

1x Naslovu,

1x a/a, (04).

MINISTAR

Mirza Mušija



Na osnovu člana 158. stav 2 Poslovnika Skupštine Zeničko-dobojskog kantona – Četvrti prečišćeni tekst („Službene novine Zeničko-dobojskog kantona“, broj: 5/24), na prijedlog Ministarstva za obrazovanje, nauku, kulturu i sport, Skupština Zeničko-dobojskog kantona, na _____ sjednici, održanoj dana _____ 2024. godine, d o n o s i :

AUTENTIČNO TUMAČENJE

odredbe člana 54. tačka b) i člana 56. stav (2) tačka d) Zakona o visokom obrazovanju („Službene novine Zeničko-dobojskog kantona“, broj: 12/22)

Član 1.

(Predmet autentičnog tumačenja)

Utvrdjuje se autentično tumačenje odredbe člana 54. tačka b) i odredbe člana 56. stav (2) tačka d) Zakona o visokom obrazovanju („Službene novine Zeničko-dobojskog kantona“, broj: 12/22 – u daljem tekstu Zakon), a kojom se precizira pravilan smisao navedenih odredbi Zakona.

Član 2.

(Pravilan smisao odredbe člana 54. tačka b) Zakona)

Član 54. tačka b) Zakona glasi:

“Upravni odbor obavlja poslove utvrđene zakonom, aktom o osnivanju i statutom visokoškolske ustanove, a naročito:

b) donosi akt kojim se utvrđuje način obračuna plaća i drugih primanja u javnoj visokoškolskoj ustanovi uz prethodnu saglasnost Vlade Kantona, te donosi opći akt o unutrašnjoj organizaciji i sistematizaciji radnih mjesta, kao i druge opće akte u skladu sa zakonom i statutom visokoškolske ustanove;“

Odredbu člana 54. tačka b) Zakona, u smislu nadležnosti za donošenje pravilnika o radu, treba razumjeti tako da je donošenje pravilnika o radu u nadležnosti upravnog odbora visokoškolske ustanove.

Član 3.

(Pravilan smisao odredbe člana 56. stav (2) tačka d) Zakona)

Član 56. stav (2) tačka d) Zakona glasi:

“Senat visokoškolske ustanove:

d) donosi opće akte u skladu sa ovim zakonom i statutom visokoškolske ustanove;“

Odredbu člana 56. stav (2) tačka d), u smislu nadležnosti za donošenje pravilnika o radu, treba razumjeti tako da donošenje pravilnika o radu kao općeg akta nije u nadležnosti senata visokoškolske ustanove.

Član 4.

(Primjena autentičnog tumačenja)

Ovo autentično tumačenje se primjenjuje i važi od dana primjene odredbi Zakona za koje se daje autentično tumačenje.

Broj: 02-_____/24.
Zenica, dana _____, 2024. godine
Z e n i c a

PREDSJEDAVAJUĆI

Čazim Huskić

Dostavljeno:

1x Ministarstvu za obrazovanje, nauku, kulturu i sport,

1x „Službene novine Zeničko-dobojskog kantona“

1x 1x a/a.